

Shaer Yang Di-Pertuan: Merafak Adat Istiadat Diraja

Norhayati binti Haji Abd Karim
Faculty of Arabic Language,
Universiti Islam Sultan Sharif Ali.
Brunei Darussalam.
norhayati.abdkarim@unissa.edu.bn

Vol.2, Issue 2 | July 2019

KATA-KATA KUNCI

Adat Istiadat Diraja,
Diplomasi dan Residen
British, sejarah, syair

ABSTRAK

Adat Istiadat Diraja adalah adat Istiadat Negara. Ianya merupakan teras identiti kebudayaan negara yang menjadi lambang kepada asas keperibadian bangsa bahkan ianya juga merupakan adat turun temurun Kesultanan Brunei yang dipraktikkan mengikut kesesuaian upacara atau majlis yang dilengkapi dengan alat kebesaran diraja. Dalam artikel ini menumpukan kepada pembudayaan adat istiadat diraja yang diketengahkan di dalam Shaer yang di-Pertuan sewaktu Kerajaan Brunei di bawah naungan Residen British di dalam pemerintahan Sultan Muhammad Jamalul Alam II (1906-1924). Karya ini meriwayatkan hubungan diplomatik antara Brunei dan *Great Britain* dalam bentuk syair yang menjelaskan mengenai persiapan dan sambutan kedatangan Kerabat Diraja British yang sedang membuat lawatan kerja ke negara-negara di bawah naungannya di Asia Tenggara termasuklah Brunei. Memandangkan hal ehwal pentadbiran negara dimonopoli oleh pihak Residen British, namun Sultan Muhammad Jamalul Alam II mampu mempraktikkan serta mengekalkan adat Istiadat Diraja di dalam pentadbiran serta majlis-majlis resmi negara seperti menerima kunjungan delegasi perwakilan *Queen of British Kingdom*. Hasil daripada penelitian secara kualitatif dengan menyandarkan beberapa dokumen iaitu laporan catatan Brunei tahun 1922 yang direkodkan oleh pihak Residen British beserta dengan bahan sejarah yang lainnya dapatlah disimpulkan bahawa sambutan yang diadakan secara resmi dan besar-besaran ke atas para rombongan luar berkenaan melambangkan keramahan dan kesantunan Kerajaan terhadap mereka yang datang ke Brunei seperti mana yang dijelaskan di dalam buku Shaer Yang di-Pertuan yang boleh dijadikan sebagai salah satu sumber premium daripada prospektif tempatan dalam usaha melistarikan dan mengekalkan adat Istiadat Diraja semasa Residen British menjadi penasihat pentadbiran Brunei.

Pendahuluan

Shaer Yang Di-Pertuan merupakan syair Brunei yang dihasilkan oleh Ulama tempatan iaitu Abdul Razak bin Hasanuddin. Kepakaran beliau dalam bidang ilmu ugama serta ijtihadnya dalam menuntut ilmu dalam dan luar negeri secara informal serta sumbangan bakti beliau kepada masyarakat dalam bidang ugama melayakkan beliau diiktiraf sebagai salah seorang ulama Brunei dan diberi gelaran Pehin

Siraja Khatib. Beliau juga dilantik oleh Kerajaan Brunei untuk menyandang beberapa jawatan antaranya Imam Masjid, Qadi Brunei, Menteri Agama dan Ahli Jawatan Mesyuarat Negara. Kreativiti beliau dalam menghasilkan karya kesusasteraan dalam bentuk syair merupakan satu kelebihan yang wajar untuk diketengahkan dan dikaji memandangkan bukan semua ulama mampu menghasilkan karya syair hanya segelintir daripada mereka sahaja yang mempunyai kelebihan tersebut.

*Rabiul Akhir lima belas hari
Yau mil Isnin kalam berlari*

*Empat Disember sudah berdiri Gutika
besok bukannya sari*

Diakhir dengan:

*Habislah pesan dagang mengarang
Hatamlah shaer lebih dari kurang*

*Wallau a'alam sempurna tarang Kalam dan
dakwat sudah terlarang*

Latar belakang Shaer Yang Di-Pertuan

Dari pandangan pengkaji, buku ini menfokuskan tiga watak utama iaitu Sultan Muhammad Jamalul Alam II, Residen Brunei dan Putera Mahkota Wales serta peristiwa bersejarah yang disambut dengan Adat Istiadat Diraja sepertimana yang terkandung di dalam buku berkenaan. Sebelum pengkaji merumuskan watak-watak yang dinyatakan, ada baiknya pengkaji terlebih dahulu memperkenalkan secara ringkas mengenai penulis Shaer Yang Di-Pertuan.

Penulis buku Shaer Yang Di-Pertuan:

Pehin Siraja Khatib Abdul Razak bin Hassanuddin adalah seorang Ulama Melayu Brunei yang tersohor di Kerajaan Brunei serta di berapa mantan wilayah Brunei ketika dibawah naungan Residen British di tanah Melayu. Dilahirkan di Kg Burung Pingai Ayer pada tahun 1879 dan meninggal pada bulan November 1941 semasa berusia 62 tahun³. Beliau hidup dalam empat pemerintahan kesultanan Brunei bermula Sultan Abdul Momin (1852-1888), Sultan Hashim Jalilul Alam Aqamaddin (1885-1906), Sultan Muhammad Jamalul Alam II (1906-1924) dan Sultan Ahmad Tajuddin (1924-1950).

Nama pena beliau di dalam persuratan dipanggil sebagai "Abdul Fatah" dan menghasilkan 8 buah syair iaitu:

1. Syair Yang Di-Pertuan (Melawat ke Labuan)
2. Syair Yang Di-Pertuan (Berpuspa)
3. Shaer Yang Di-Pertuan (ke Singapura) – ditulis dalam tahun 1922, diterbitkan oleh Jabatan Muzium Brunei dalam satu Penerbitan Khas sempena memperingati kedatangan Tahun Hijrah 1400

4. Syair Ahmad Tajuddin (Ditabalkan)
5. Syair Awang Alak (Sejarah Negeri Brunei)
6. Syair Pulau Berambang
7. Syair Rajang Dagang
8. Syair Rajang Berahi⁴

Watak-watak utama di dalam Shaer

1. Sultan Muhammad Jamalul Alam II

Baginda merupakan putera kepada Sultan Hashim Jalilul Alam Aqamaddin⁵ dilahirkan pada tahun 1888 serta lindung pada hari Juma'at, 14 Safar 1343 / 19 September 1924⁶. Layuan Baginda dimakamkan di Makam Besar Diraja, Pekan Brunei (Bandar Seri Begawan).⁷

Baginda berkahwin dengan Raja Isteri Pengiran Anak Isteri Fatimah binti Pengiran Tua Omar Ali⁸ serta Pengiran Isteri Tengah.

Hasil perkongsian hidup dengan kedua-dua isteri baginda, baginda dikurniakan enam orang putera dan empat orang puteri iaitu:

1. Pengiran Muda Bongsu: Diputerakan pada 18 November 1908 di Istana Majlis, Bandar Brunei. Lindung pada tahun 1910. Dimakamkan di Kubah Makam Diraja, Bandar Brunei.
2. Pengiran Muda Besar Ahmad Tajuddin: Diputerakan pada 22 Ogos 1913 di Istana Pekan, Bandar Brunei. Kemudian, dikenali sebagai Duli Yang Maha Mulia Sultan Sir Ahmad Tajuddin Akhazul Khairi Waddien. Mangkat pada 4 Jun 1950. Dimakamkan di Kubah Makam Diraja, Bandar Brunei.
3. Pengiran Muda Anum: Tidak diketahui tarikh keputeraan baginda. Lindung pada bulan September 1924. Dimakamkan di Kubah Makam Diraja, Bandar Brunei.
4. Pengiran Muda Laila Gambar: Tidak diketahui tarikh keputeraan baginda. Lindung pada

⁴ Simat bin Angas, (et.al) (1992). *Tokoh-Tokoh Agama di Brunei Darussalam: Pengenalan Ringkas*. Brunei: Muzium Brunei. ms: 17-18

⁵ Yura Halim. (2002). *Ririsej Brunei Darussalam. Brunei Darussalam*: Dewan Bahasa dan Pustaka. Ms: 21-24

⁶ Mohd. Jamil Al-Sufri, Pehin Jawatan Dalam Seri Maharaja Dato Seri Utama Dr. Haji Awang. (2002). *Sejarah Sultan-Sultan Brunei Menaiki Takhta*. Bandar Seri Begawan: Pusat Sejarah Brunei. Hlm: 35. Dan Mohd. Jamil Al-Sufri, Pehin Jawatan Dalam Seri Maharaja Dato Seri Utama Dr. Haji Awang. (2015). *Rampai Sejarah II: Melirik Sejarah Silam*. Pusat Sejarah Brunei. ms: 133

⁷Haji Zainuddin bin Haji Hassan. *Kertas Kompilasi Sultan-Sultan Brunei 1*, ms 48.

⁸ Yura Halim. (2002). Ibid. Ms: 21-25

³ Abdul Razak Hassanudin (1979). *Shaer Yang Di-Pertuan*. Monograp Muzium Brunei, Brunei: Muzium Brunei.

bulan September 1924. Dimakamkan di Kubah Makam Diraja, Bandar Brunei.

5. Pengiran Muda Tengah Omar Ali Saifuddin: Diputerikan pada 23 September 1914 di Istana Kota, Kampong Sultan Lama, Bandar Brunei. Dikenali sebagai Duli Yang Maha Mulia Paduka Seri Maulana As-Sultan Sir Muda Omar Ali Saifuddin Sa'adul Khairi Waddien. Kemudian, dikenali sebagai Duli Yang Teramat Mulia Paduka Seri Begawan Sultan Haji Sir Muda Omar Ali Saifuddin Sa'adul Khairi Waddien. Lindung pada 7 September 1986. Dimakamkan di Kubah Makam Diraja, Bandar Seri Begawan.

6. Pengiran Anak Besar Bagol: Tidak diketahui tarikh keputeraan baginda. Lindung sebelum 10 Mei 1945.

7. Pengiran Anak Puteri Hajah Besar: Diputerikan pada tahun 1902. Lindung pada 16 September 1993. Dimakamkan di Kubah Makam Diraja, Bandar Seri Begawan.

8. Pengiran Anak Puteri Tengah: Diputerikan pada tahun 1910. Lindung pada 24 Ogos 1969. Dimakamkan di Kubah Makam Diraja, Bandar Brunei.

9. Pengiran Anak Puteri Damit: Diputerikan pada tahun 1911. Tidak diketahui tarikh lindung baginda.

10. Pengiran Anak Puteri Hajah Tinggal: Tidak diketahui tarikh keputeraan dan tarikh lindung baginda⁹.

2. Residen British Brunei yang berkaitan di dalam Shaer Yang Di-Pertuan

Residen British pertama yang dilantik di Brunei adalah Malcolm Steward Hannibal McArthur (1872-1934) telah menyandang jawatan berkenaan pada tahun (1906-1908). Sebelum beliau dilantik sebagai Residen British, beliau dihantar ke Brunei untuk melaporkan isu yang berbangkit khususnya dalam bidang pentadbiran pada April 1904. Hasil tinjauan beliau mendapati Brunei boleh membangun serta mempunyai potensi menstabilkan ekonomi Brunei semula dengan menyelesaikan beberapa isu yang berbangkit di Kerajaan Brunei dan wilayahnya pada ketika itu seperti isu pemilikan tanah Kerajaan, Kuripan dan Tulin termasuklah ketegasan beliau dalam mempertingkatkan kualiti kehidupan masyarakat Brunei agar berpindah dan menetap di darat berdekatan dengan ibu kota Kerajaan Brunei berbanding tinggal di perairan agar masyarakat Brunei mampu mempercambahkan hasil pencarian

⁹

https://ms.wikipedia.org/wiki/Sultan_Muhammad_Jamal_ul_Alam_II (10 Februari 2019 Jam10.38pm)

rezeki bukan sahaja di laut malah di darat juga. Bukan itu sahaja bahkan menekankan dari sektor kesihatan yang terjamin bagi mengawal serta mengurangkan fenomena wabak penyakit berjangkit seperti malaria dan lain-lain lagi terdedah kepada masyarakat.

Atas keperihatinan beliau terhadap keamanan serta kesejahteraan rakyat, mampu mengawasi kepadatan penduduk Brunei dari menetap di perairan Sungai Brunei serta cuba menghalang dan membataskan kuasa James Brooke ke atas Brunei setelah berjaya mengambil Limbang dengan cara paksaan.¹⁰

Sikap Mc Arthur ini dipuji sendiri oleh penyair:

*Aman-lah negara lagi sentosa Selama di-pangku
residen kuasa*

*Hukum-nya adil senantiasa Ramai
daerah bandar dan desa*

*Masa Residen memangku bandar Kesana kemari
mashor-lah habar*

*Mufakat mashuarat tiadalah gubar Ikhtiar bichara
sama segimbar*

*Adapun akan residen tuan Sangat baik fiel
kelakuan*

*Tagor sapa sangat dermawan Halus
manis tiada berlawan*

*Selama Residen memangku bandar Negeri Brunei
sangat muktabar¹¹*

Selain beliau ada beberapa orang pegawai dari Great Britain menjawat jawatan sebagai Residen British Brunei iaitu seperti berikut:

2. John Fortescue Owen (1908-1909)
3. Harvey Chevallier (1909-1913)
4. Francis William Douglas (1913-1915)
5. Ernest Barton Maundrell (1915-1916)
6. Geoffrey Edmund Cator (1916-1921)
7. Lucien Allen Arthur (1921-1923)¹²

3. Putera Mahkota Wales (*Prince of Wales*)

¹⁰ A.VM Horton, *British Administration in Brunei 1906-1959, Modern Asian Studies*, Vol 20, No 2 (1986), Cambridge University Press, ms: 357-358

¹¹ Abdul Razak bin Hassanudin, *ibid*, ms: 199-201

¹²

https://en.wikipedia.org/wiki/List_of_Admistrators_of_British_Brunei

Baginda merupakan perwakilan Queen of British Kingdom yang mengadakan lawatan kerja selama 8 bulan bermula pada tahun 1921-1922 sebagai lawatan resmi baginda di bawah penaklukan Kerajaan British. Beliau ialah King Edward VIII yang ditabalkan Raja pada tahun 1936¹³ telah melawat Singapura 1922 selama 2 hari bermula 31 Mac 1922 hingga 1 April 1922 dan mengunjungi Brunei pada 19 Mei 1922. Lawatan ini merupakan satu lawatan diplomatik yang bersejarah dan terpenting bagi Kerajaan British untuk meninjau dengan lebih komprehensif tentang sosial, politik dan pembangunan negara-negara Melayu di bawah naungan Residen British.



Lawatan Prince of Wales ke Singapura, 1922

3. Peristiwa bersejarah dengan penuh adat istiadat

(i) Lantikan pembesar negara:

Penyair ini mengolah peristiwa bersejarah bermula dengan lantikan pembesar negara di dalam Institusi Kerajaan Beraja semasa pemerintahan Sultan Muhammad Jamalul Alam II dengan menyenaraikan nama pembesar berkenaan bersama dengan peranan dan tanggungjawab mereka secara ringkas seperti yang dijelaskan bahagian awal di dalam bait syair:

Di-dalam Brunei sudah tertentu Wazir-nya dua bukan-nya satu

Demikian adat kapada waktu Jadi Undang-undang baginda ratu¹⁴

(ii) Penganugerahan bintang kebesaran British KCMG kepada Sultan Muhammad Jamalul Alam II.

Penganugerahan KCMG iaitu Knight Commander of the Most Distinguished Order of St Michael and St George yang disampaikan oleh Gobenor British sebagai wakil King Edward VIII kepada Sultan

Muhammad Jamalul Alam II sepertimana yang terungkap di dalam buku Shaer Yang Di-Pertuan:

*Ada berapa lama antara Datanglah
Governor dari Singapura*

*Kapal Saville tempat-nya ketara Menghantar
bintang seri betara*

*Bintang kebesaran sudah tertentu Di-sembahkan
keada baginda ratu*

*KCMG namanya itu Ia lah
bintang yang nombor satu¹⁵*

Menurut laporan yang dihasilkan oleh Residen British Brunei dalam tahun 1921, Gobenor Singapura Negeri-Negeri Selat pada masa itu dijabat oleh Sir Laurence Guillemard (1862-1951) selama 7 tahun 3 bulan bermula 17 Feb 1920- 3 Jun 1927¹⁶. Majlis penyerahan bintang KCMG diraikan di pejabat Residen British yang dilengkapi dengan alat-alat kebesaran serta dihadiri oleh para wazir, pembesar-pembesar negara serta rakyat jelata. Majlis penganugerahan ini diadakan pada sebelah petang. Bukan itu sahaja, para pembesar Brunei dikehendaki untuk menaikkan bendera khas masing-masing bagi meraikan sempena majlis penyerahan pingat berkenaan.

*Apabila Saville sudah nan datang Di
sambut chukop perhiasan terbentang*

*Governor sendiri menyembahkan bintang
Di dalam opis rupanya petang¹⁷*

Pengkaji tidak dapat memastikan bila sebenarnya tarikh penyerahan pingat KCMG ini yang diadakan di Brunei berkenaan kerana timbulnya perbezaan pendapat mengenai tarikh penganugerahan pingat berkenaan seperti berikut:

1. menerusi laman web sesawang Wikipedia mengenai tarikh penganugerahan Sultan Muhammad Jamalul Alam II, https://ms.wikipedia.org/wiki/Sultan_Muhammad_Jamalul_Alam_II menyatakan bahawa baginda menerima anugerah KCMG pada 5 Jun 1920.

2. mengupas dari hasil koleksi Haji Zainuddin bin Haji Hassan didapati ianya berlaku pada 15 Jun 1918 iaitu semasa hari perpuspaan Sultan Muhammad Jamalul Alam II.

¹⁵ Ibid, ms 7

¹⁶ [https://en.wikipedia.org/wiki/List_of_Governors_of_Singapore#Governors_of_the_Straits_Settlements_\(1826%E2%80%931942\)](https://en.wikipedia.org/wiki/List_of_Governors_of_Singapore#Governors_of_the_Straits_Settlements_(1826%E2%80%931942))

¹⁷ Abdul Razak bin Hassanuddin, ibid, ms 9.

¹³ The Brunei Times. Sunday, October 30, 2016, B 3 serta <http://bruneiresources.blogspot.com/2016/10/british-royal-visits-to-brunei.html?m=1>.

¹⁴ Abdul Razak bin Hassanuddin, ibid, ms 3.

3. menurut laporan tahunan Residen British Brunei yang mencatat mengenai perkembangan dan pembangunan negeri Brunei serta peristiwa-peristiwa penting yang berlaku pada tahun berkenaan, melaporkan bahawa penganugerahan berkenaan berlaku pada tahun 1921, sepertimana yang disahkan oleh L.A Allen, Residen British Brunei pada ketika itu:

XVII-General

85. His Excellency the High Commissioner Sir' Laurence Nunns Guillemard (K.C.B), visited the State in June and invested His Highness the Sultan with the insignia of Knight Commander of the Most Distinguished Order of St. Michael and St. George¹⁸

Dari Shaer Yang di-Pertuan tidak menyatakan secara terperinci mengenai tarikh penganugerahan KCMG tetapi lebih menggambarkan suasana majlis penganugerahan sahaja yang dihadiri oleh rakyat jelata. Bukan itu sahaja rumah-rumah menteri dikehendaki untuk mengebarkan bendera peribadi masing-masing sebagai meraikan penganugerahan berkenaan seperti mana di dalam bait syair:

*Sudah teradat di dalam negeri Di- rumah
menteri pasang bendera*

*Siapa yang bernama sudah ketara Berbagai
macham warna dan chura¹⁹*

(iii) Meraikan kedatangan Prince of Wales ke Singapura pada tahun 1922.

Pelbagai persiapan dibuat bagi menyambut kedatangan Putera Mahkota Wales ke Singapura setelah mendapat undangan daripada Pesuruhjaya Tinggi Residen British di Singapura dan diadakan mesyuarat rasmi di Lapau. Sultan Muhammad Jamalul Alam II dijunjung oleh Residen British untuk menghadiri mesyuarat berkenaan dan menyarankan agar menyediakan pesembah buat Putera Mahkota berkenaan serta mengumpulkan hadiah sumbangan dari Negeri Brunei bagi pertandingan yang berlangsung di Singapura sempena kedatangan Perwakilan Queen of Elizabeth. Setelah selesai menyampaikan perkara tersebut, Residen British memohon berundur diri serta memberi ruang kepada Sultan dan para pembesar membincangkan perkara berkenaan. Setelah bersurai para wazir dan pembesar memohon mengundurkan diri dengan penuh beradab dimulai oleh para Wazir sehinggalah ke Damong mengikut susunan pangkat dan gelaran secara tertib.

(iv) Pelayaran Sultan Muhammad Jamalul Alam II ke Singapura.

Semasa hari keberangkatan Sultan Muhammad Jamalul Alam II beserta rombongan berkumpul sekalian Cheteria dan Menteri di Lapau²⁰ yang diketuai oleh Pengiran Pemancha dan Pengiran Bendahara. Majlis ini juga dilengkapi dengan alat-alat kebesaran diraja seperti tumbak, benderangan, pedang tersula, kaskul dan payung berwarna hitam dan puteh.²¹

Apabila sudah keesokan hari

Menghantar berangkat Sultan bistari

*Segala Raja-Raja Cheteria Menteri Berhimpun naik
isi-nya negeri*

*Pengiran Pemancha Pengiran Bendahara Naik-nya
awal pada kira-kira*

*Semayam di Lapau sudah ketara Menantikan
berangkat seri betara*

*Serta chukop halat terala Tumbak
benderangan pedang tersula*

*Kaskul dan payong ada segala Hitam dan Puteh
warna bernyala*

Sebelum Sultan Muhammad Jamalul Alam II berangkat ke Lapau, baginda terlebih dahulu menunaikan solat serta memakai pakaian Diraja berwarna hitam kain mastul bunga seganda, berbutangan emas paun Belanda serta dilengkapi dengan keris kerajaan. Sepanjang menuju ke Lapau, Baginda diiringi dengan kelengkapan Alat Kebesaran Diraja seperti Tumbak Tunggal, Pedang Bersarung Emas, Puan serta Payung Diraja berwarna kuning berumbai pudu dengan mutiara²² serta Bintang

²⁰Pada Bulan Disember 1915 sebuah Lapau baru yang bertiang batu telah dibangun bersebelahan dengan tapak Lapau Lama dan telah digunakan pada waktu itu juga. Di atas usaha itu, Kebawah Duli Yang Maha Mulia Paduka Seri Baginda Sultan Muhammad Jamalul Alam telah mencatatkan amat menghargai usaha Kerajaan membina Lapau tersebut. - koleksi Haji Zainuddin bin Hj Hassan, Sultan Muhammad Jamalul Alam II.

²¹ Tugas memegang payung bagi wazir pertama dipertanggungjawabkan oleh Pengeran Besar Putera Kesuma dan yang akan memayungi wazir kedua iaitu Pengiran Pemancha adalah Pengiran Apong. Begitu juga Menteri Perdana mempunyai sebuah bidar setiap seorang dengan sempurna.

²² Adapaun Tumbak Tunggal diamanah kepada Pengiran Ahmad untuk membawanya, Pedang Bersarung Emas pula dipertanggungjawabkan kepada Pengiran Damit dan Pengiran Metassan membawa Puan dan Payung Diraja ditugaskan kepada Pengiran Damit untuk memayungi Baginda dan Bintang petian yang diangkat oleh Pengiran Muijun yang ditutupi dengan kain bersulam berwarna kuning.

¹⁸ L.A Allen (1922). **Report on the State of Brunei for the year 1921.** Malaysia: Federated Malay States Government Printing Office., Ms 8

¹⁹ Abdul Razak bin Hassanuddin, ibid, ms 9

memberikan penghormatan kepada mereka. Adat istiadat Diraja ini diamalkan sejak turun temurun lagi iaitu sejak Kesultanan Brunei yang pertama (Sultan Muhammad Shah) termasuklah penggunaan alat kebesarannya sesuai dengan majlis atau upacara yang diadakan.

Alat Kebesaran Diraja ini sebilangannya merupakan warisan daripada generasi Kesultanan Brunei yang lampau serta sebahagiannya pula merupakan hadiah daripada Kerajaan Gergasi Kuno. Contohnya Nobat Diraja merupakan Alat Kebesaran Diraja yang tertua sekali yang diwarisi daripada Kerajaan Seriwijaya Palembang. Mengenai warisan itu ada disebutkan di dalam Salasilah Raja-Raja Brunei:

“...segala anak cucunya, Raja-Raja yang mempunyai takhta Mahkota Kerajaan dalam kendang Daerah Negeri Berunai Darussalam yang mengambil pusaka Nobat Nakara dan Ganta Alamat dari Negeri Johor Kamalul Maqam; dan mengambil lagi pusaka Nobat Nakara dan Ganta Alamat dari Negeri Minangkabau iaitu Negeri Andalas...”²⁶

Ketegasan pihak Istana dalam mengekalkan adat warisan Bersultan turut diamalkan di dalam mesyuarat rasmi yang dihadiri oleh para pembesar negara. Inisiatif Kerajaan Brunei dalam mengamalkan adat Istiadat Diraja sepertimana yang digambarkan dalam buku Shaer Yang Di-Pertuan ini tidak menyulitkan perlaksanaannya.

Sebagai contoh acara yang disambut dengan penuh adat Istiadat Diraja dan diraikan dengan gilang gemilang ini menjadi perhatian dunia di atas kunjungan King Edward VIII, Perwakilan Queen of Elizabeth ke Brunei. Inilah peluang yang sesuai untuk memperkenalkan adat Brunei yang dipraktikkan dalam Institusi Beraja iaitu Adat Istiadat Diraja dengan cara yang tersendiri sebagai tanda bahawa Brunei mampu mengekalkan kedaulatan Beraja tanpa dicatitkan oleh campur tangan pihak luar.

Selain mempromosikan kebudayaan adat istiadat negara, ianya juga melibatkan kepada kesetiaan rakyat. Dengan Adat ini rakyat bersatu taat setia dan menjunjung Baginda. Mentaati perintah Sultan dan melaksanakan tanggungjawab yang diberikan berdasarkan pangkat jawatan dalam bidang pentadbiran serta gelaran merupakan amanah yang wajib dipikul walaupun pentadbiran Brunei dikompromi dengan politik British. Secara tidak langsung ianya merupakan lambang keberanian dan keperkasaan jati diri bangsa Brunei.

Setiap alat kebesaran Diraja juga mempunyai fungsi dan sejarahnya yang tersendiri disamping menyerlahkan lagi keindahan disebalik adat Istiadat

itu dijalankan. Ukiran-ukiran yang dihasilkan di setiap alat kebesaran Diraja mempunyai maksud yang tersendiri yang melambangkan ciri-ciri khas adat istiadat Kerajaan Melayu serta mengandungi ciri-ciri islamik seperti mengandungi potongan ayat-ayat Al-quran yang terpilih yang diukir di atas perisai, kain sesandang dan kiap.

Kesimpulan

Secara amnya Adat Istiadat Diraja merupakan suatu ketetapan yang disusun secara teratur dan berdisiplin tanpa merubah keasliannya yang sesuai mengikut peredaran zaman tetapi ianya bukanlah undang-undang yang wajib dilaksanakan hanya mempunyai aura yang mempengaruhi kerajaan monarki dan penduduknya untuk mengikut maksudnya. Keindahan penyusunannya mengikut tata tertib dari segi percakapan, perbuatan dan perilaku dalam majlis terutama sekali yang berkaitan dengan kehadiran rasmi kerabat Diraja dan pembesar-pembesar menzahirkan lagi kesantunan dan keelokan adat Istiadat Diraja berkenaan. Apatah lagi adat Istiadat Diraja dipantau dengan penuh beradat dan sopan tanpa ada cacat cela atau perkara yang kurang elok berlaku sepanjang majlis atau upacara berlangsung.

Adat Istiadat Diraja ini juga boleh disesuaikan apa sahaja majlis rasmi dan upacara seperti mana yang direkodkan di dalam Shaer Yang Di-Pertuan contohnya ketika Kerajaan Brunei menjalin hubungan diplomasi dengan pihak luar yang melibatkan pembesar-pembesar negara dan alat kebesaran diraja di dalam mempersiapkan kunjungan Putera Mahkota Wales di Singapura dan di Brunei.

Etika keramahan dalam hubungan hal ehwal luar negeri sangat diambil kira oleh Kerajaan Brunei walaupun kuasa Kebawah Duli Yang Maha Mulia ketika itu sangat terbatas dalam pentadbiran, akan tetapi adat resam seperti Adat Istiadat Diraja Brunei masih dikekalkan dan dipertahankan. Pengamalan dalam melaksanakan adat istiadat berkenaan masih dijalankan seperti biasa dan diperelekkkan lagi mengikut kesesuaian peredaran zaman sepertimana yang dilaksanakan seawal Kesultanan dan sebelum kehadiran Kolonial Barat datang ke Brunei tanpa merubah keasliannya.

Dengan kupasan ini dapatlah menjelaskan kepada kita bahawa penerapan adat Istiadat ini di dalam sistem pentadbiran Brunei menunjukkan kepada ketinggian serta kedaulatan bersultan itu tidak boleh diambil ringan walaupun pentadbiran didominasi oleh keputusan daripada pihak British.

Memelihara ketinggian taraf Bersultan itu perlu dijaga sebaik mungkin kerana Brunei merupakan

²⁶ P.L.A Sweeney (1968). *Silsilah Raja-Raja Brunei*, JMBRAS, hal 11.

kerajaan tertua yang masih mengekalkan kedaulatan Beraja hasil daripada kebijaksanaan pihak Istana dalam sama-sama mengembeling tenaga dan usaha memperelokkan dan memperindahkan adat istiadat diraja mengikut kesesuaian majlis dan kehadiran para kerabat diraja sebagai pemegang adat Istiadat Diraja.

Inilah gambaran umum dan cabaran yang dihadapi oleh Kerajaan Brunei dalam mengekalkan dan merafakkan Adat Istiadat Diraja. Semangat dan usaha yang ditunjukkan ini mampu menjulang martabat maruah negara serta melestarikan identiti kebudayaan Melayu Islam Beraja.

Rujukan

- Abdul Razak Hassanudin (1979). **Shaer Yang Di-Pertuan**. Monograp Muzium Brunei, Brunei: Muzium Brunei.
- A.VM Horton, **British Administration in Brunei 1906-1959, Modern Asian Studies**. Vol 20, No 2 (1986), Cambridge University Press.
- Haji Asri bin Haji Puteh(2003). **Hukum Kanun**. Cetakan pertama. Brunei Darussalam: Dewan Bahasa dan Pustaka.
- L.A Allen (1922). **Report on the State of Brunei for the year 1921**.Malaysia: Federated Malay States Government Printing Office.
- Mohd Jamil Al-Sufri, Pehin Jawatan Dalam Seri Maharaja Dato Seri Utama Dr. Haji Awang (2002). **Adat Istiadat Diraja Brunei**. Cetakan pertama, Brunei: Jabatan Adat Istiadat Negara.
- _____. (2002). **Sejarah Sultan-Sultan Brunei Menaiki Takhta**. Bandar Seri Begawan: Pusat Sejarah Brunei.
- _____. (2015). **Rampai Sejarah II: Melirik Sejarah Silam**. Pusat Sejarah Brunei.-Mohd Jamil Al-Sufri, Pehin Orang Kaya Amar Diraja Dato Seri Utama (Dr.) Awang Haji. **Adat Resam Orang Brunei**. Koleksi Pengajian Brunei, Perpustakaan Universiti Brunei Darussalam, KBru DS650.4 A954 c.4
- P.M Yusuf (1975). **Adat Istiadat Diraja Brunei Darussalam**. Vol 3, Brunei Darussalam: Muzium Brunei.
- P.L.A Sweeney (1968). **Silsilah Raja-Raja Brunei**, JMBRAS.

- Simat bin Angas, Suhaili bin Haji Hassan, Haji Ismail bin Ibrahim, **Tokoh-Tokoh Agama di Brunei Darussalam: Pengenalan Ringkas**. (1992). Brunei: Muzium Brunei

- Yura Halim. (2002). **Ririsej Brunei Darussalam**. Dewan Bahasa dan Pustaka. ms: 22-24.

- Haji Zainuddin bin Haji Hassan, **Persejaraan Adat-Istiadat dan Alat Kebesaran Diraja: Dalam**

Institusi Raja dan Kesultanan Brunei (tidak diterbitkan)

-Koleksi Haji Zainuddin bin Haji Hassan,**Kertas Kompilasi Sultan-Sultan Brunei 1**, Haji Zainuddin bin Haji Hassan

- **The Brunei Times**. Sunday, October 30,2016, B 3

Laman web sesawang

[https://en.wikipedia.org/wiki/List_of_Governors_of_Singapore#Governors_of_the_Straits_Settlements_\(1826%E2%80%931942\)](https://en.wikipedia.org/wiki/List_of_Governors_of_Singapore#Governors_of_the_Straits_Settlements_(1826%E2%80%931942))

https://en.wikipedia.org/wiki/List_of_Administrators_of_British_Brunei

[https://ms.wikipedia.org/wiki/Sultan_Muhammad_Jamalul_Alam_II_\(10\)](https://ms.wikipedia.org/wiki/Sultan_Muhammad_Jamalul_Alam_II_(10))

<http://bruneiresources.blogspot.com/2016/10/british-royal-visits-to-brunei.html?m=1>